

JAVNI POZIV za dodjelu finansijske podrške malim projektima udruženja žrtava rata

Broj javnog poziva: 17.03.0 –N2.1.54

USAID kroz projekat PRO-Budućnost i Institut za razvoj mladih KULT (u daljnjem tekstu: Institut) objavljuju Javni poziv za dodjelu finansijske podrške projektima udruženja i asocijacije žrtava rata.

Ukupna finansijska vrijednost izdvojena za podršku projektima mladih je 24.450 BAM.

O projektu PRO-Budućnost

Projekat Američke agencije za međunarodni razvoj (USAID) Povjerenje, razumijevanje, odgovornost za budućnost (PRO-Budućnost) implementira humanitarna i razvojna agencija Catholic Relief Services (CRS), u partnerstvu s Institutom za razvoj mladih KULT, Caritasom Bosne i Hercegovine, Forumom građana Tuzla, Helsinškim parlamentom građana Banja Luka, Međureligijskim vijećem u Bosni i Hercegovini i Nansen dijalog centrom Mostar.

Projekat saraduje s ključnim akterima iz političke, vjerske i medijske sfere, te različitim grupama građana, s ciljem da pomirenje i unaprijeđeno povjerenje vode ka pozitivnim društvenim promjenama širom BiH.

Općine/opštine/gradovi (u daljem tekstu: Lokalne zajednice) iz BiH u kojima PRO-Budućnost djeluje i ima potpisan memorandum o razumijevanju su: Banja Luka, Bihać, Bosanska Krupa, Bosanski Petrovac, Bratunac, Breza, Bugojno, Čelić, Čitluk, Derventa, Doboj, Doboj Jug, Domaljevac-Šamac, Drvar, Foča (FBiH), Foča (RS), Glamoč, Goražde, Gornji Vakuf-Uskoplje, Gračanica, Gradačac, Istočno Novo Sarajevo, Jablanica, Jajce, Jezero, Kalesija, Kiseljak, Kladanj, Kozarska Dubica, Kupres (FBiH), Livno, Ljubuški, Lopare, Maglaj, Modriča, Mostar, Mrkonjić Grad, Nevesinje, Novi Grad (RS), Novi Travnik, Novo Goražde, Odžak, Osmaci, Pelagićevo, Petrovo, Prijedor, Prozor-Rama, Rudo, Šamac, Sanski Most, Sapna, Sarajevo-Centar, Široki Brijeg, Sokolac, Srebrenica, Stolac, Teočak, Tešanj, Teslić, Trebinje, Trnovo (FBiH), Trnovo (RS), Ugljevik, Usora, Vareš, Višegrad, Vlasenica, Vukosavlje, Zavidovići, Zenica, Žepče i Zvornik.

Sve dodatne informacije o projektu PRO-Budućnost mogu se naći na stranici www.probuducnost.ba.

Uvjeti i procedure za apliciranje

Na Javni poziv mogu se prijaviti organizacije žrtava rata iz BiH koje su osnovana prema važećim zakonima o udruženjima i fondacijama, a čije je sjedište na području jedne od Lokalnih zajednica u kojima se sprovodi projekat PRO-Budućnost.

Prednost pri dodjeli sredstava imat će projektni prijedlozi organizacija koji su primarno fokusirani na jačanje vlastitih kapaciteta u svrhu efektivnijih zagovaračkih procesa i angažmana političkih lidera iz svojih zajednica, kao i predstavnika organizacija žrtava rata iz drugih zajednica. Zagovaračke aktivnosti bi trebale biti usmjerene na promoviranje usvajanja Platforme za Mir na svim nivoima vlasti.

Podnosioci projektnih prijedloga trebaju predložiti projekte koji doprinose unapređenju procesa pomirenja i povjerenja u BiH, zagovaraju za mir i kolektivnu viziju za stabilnu budućnost i povezuju lokalne zajednice, te su u skladu sa [Platformom za Mir](#).

Predloženi projekti moraju:

- a. uključivati aktivnosti koje isključivo pozitivno promoviraju i podstiču pomirenje, kao što su: dijalog, zajedničke radionice o pomirenju ili zajedničke aktivnosti koje promoviraju pomirenje;
- b. uključivati različite etničke/nacionalne grupe u realizaciji aktivnosti;
- c. realizirati svoje aktivnosti na području Lokalnih zajednica;¹
- d. biti od koristi za širu zajednicu;
- e. mobilizirati članove zajednice kroz volonterski rad;
- f. uzeti u obzir pravilno i odgovorno korištenje prirodnih, kulturnih, historijskih ili bilo kojih drugih materijalnih i nematerijalnih resursa.

Detaljno o kriterijima možete naći na sljedećem [linku](#).

Minimalni iznos sredstava koja se traže u projektnom prijedlogu ne može biti manji od 2.608 BAM, niti veći od 4.890 BAM.²

Podnosioci projektnih prijedloga moraju osigurati najmanje 30% sredstava od lokalnih zajednica (u novcu, robama ili uslugama) od traženog iznosa uz dostavljeno pismo podrške.

Projekti trebaju trajati najkraće 3 mjeseca, a najduže 8 mjeseci*³ i moraju biti implementirani u periodu februar – decembar 2019. godine. Početak projekta podrazumijeva datum potpisivanja ugovora, a projekat se završava kada se dostave završni narativni i finansijski izvještaji.

Projektni prijedlozi koji pozivaju na bilo koji oblik nasilja i diskriminacije, promovišu alkohol, droge ili nezdrav način života neće biti uzeti u razmatranje.

Troškovi projekta ne mogu uključivati najam opreme od neregistrovane kompanije ili od strane fizičkih lica. Troškovi proizašli iz nabavke opreme (računari, kopirni uređaji, fotoaparati i sl.) ne smiju prelaziti 30% od ukupno odobrenog iznosa sredstava.

Tokom implementacije projekata, jedina osoba iz organizacije će biti koordinator i biti će odgovoran za implementaciju, upravljanje sadržajnim i finansijskim dijelom projekta, kao i za narativno i finansijsko izvještavanje prema Institutu. Ugovor o uslugama za koordinatora projekta može uključivati maksimalno 5% ukupnog budžeta – u prosjeku bruto 240 BAM.

Obrazac projektnog prijedloga i Obrazac za budžet moraju biti napisani na jednom od službenih jezika i pisama Bosne i Hercegovine.

Svi dokumenti moraju biti popunjeni elektronski, a dostupni su na ovom [linku](#).

Nepotpuni projektni prijedlozi, kao ni oni koji pristignu nakon navedenog roka ili ne budu dostavljeni na predviđeni način, kao ni prijave na neodgovarajućim obrascima neće biti uzete u razmatranje.

¹ Minimalno jedne lokalne zajednice u kojoj se realizira PRO-Budućnost projekat.

² Sredstva iz ovog Javnog poziva ne uključuju troškove poreza na dodanu vrijednost (PDV). Sva pravna lica koja dobiju ova sredstva mogu ostvariti pravo na povrat PDV-a preko Uprave za indirektno oporezivanje.

³ Postupak dodjele finansijske podrške je proces koji sadrži pripremu aktivnosti, provedbu i zatvaranje projekta.

Institut i Grant Menadžment Tim PRO-Budućnost zadržavaju pravo dodijeliti bilo koji broj projekata, prema vlastitom nahođenju i procjeni.

Uvjeti dodjele novčane podrške

Organizacije koje budu imale najbolje projektne prijedloge i budu odabrane za dodjelu novčane podrške dužne su omogućiti Institutu da izvrši predgrantovsku procjenu rada i poslovanja organizacije u prethodnom periodu, prije početka implementacije projekta. Predgrantovska procjena podrazumijeva analizu organizacijskih, finansijskih, administrativnih i ljudskih resursa podnosioca projektnog prijedloga.

Samo organizacije čiji projekti budu najbolje ocijenjeni i koje uspješno prođu proces predgrantovske procjene mogu dobiti novčanu podršku.

Prijava

Rok za prijavu:

Poziv ostaje otvoren do **subote, 10.11.2018., 23:59h.**

Prijave dostaviti:

- isključivo putem online obrasca koji se nalazi na [linku](#).

Eventualna pitanja mogu se postaviti isključivo putem emaila na maliprojekti@probuducnost.ba, (Predmet: Upit, **17.03.0 –N2.1.54**).

PRO-Budućnost Grant Menadžment Tim će sve podnosiocima projektnih prijedloga informisati o ishodu njihove prijave u roku od 60 dana od zatvaranja Javnog poziva. Grant Menadžment Tim zadržava pravo da ne obrazlaže rezultate za svakog podnosioca projektnog prijedloga pojedinačno.

Sve informacije o PRO-budućnost programu malih grantova dostupni su na [linku](#).

Svaki pokušaj kontaktiranja bilo kojeg uposlenika Instituta i PRO-Budućnost Grant Menadžment Tima PRO-Budućnost vezano za dobivanje dodatnih informacija mimo navedene email adrese i svaki pokušaj podmićivanja bilo kojeg uposlenika vodi do dugoročne diskvalifikacije podnosioca projektnog prijedloga.